

SAOPŠTENJE:

EBRD, EU i Addiko Bank: Podrška malim i srednjim preduzećima

Svečanim otvaranjem nove sezone Addiko SME Akademije i potpisom ugovora o novoj kreditnoj liniji za mala i srednja preduzeća, Addiko Bank d.d. Sarajevo i Addiko Bank a.d. Banja Luka, uz podršku Evropske banke za obnovu i razvoj (EBRD) i Evropske unije (EU) nastavljaju podržavati razvoj preduzetništva u Bosni i Hercegovini.

U Sarajevu obilježen početak druge po redu Addiko SME Akademije, projekta usmjerenog na razvoj preduzetništva u Bosni i Hercegovini s posebnim fokusom na menadžere nove generacije kao i osnaživanje učešća žena na rukovodećim pozicijama.

Addiko SME Akademiju organizuju Addiko Bank d.d. Sarajevo i Addiko Bank a.d. Banja Luka, a partneri projekta i ove godine su Evropska banka za obnovu i razvoj (EBRD) i Evropska unija (EU).

Prilikom svečanog otvaranja potpisani su i ugovori o novim kreditnim linijama kojima je Evropska banka za obnovu i razvoj (EBRD) uz podršku Evropske unije (EU) odobrila iznos od 6 miliona eura Addiko bankama u BiH za finansiranje malih i srednjih preduzeća, s ciljem poboljšanja konkurentnosti i trgovinskog potencijala te pružanja podrške preduzećima u zelenoj tranziciji.

Program Addiko SME Akademije otvoren je obraćanjem Predsjednika Uprave Addiko Bank d.d. Sarajevo, Jasmina Spahića.

„Mala i srednja preduzeća predstavljaju kičmu naše ekonomije, a u okviru poslovnog modela Addiko banke upravo je ovaj segment klijenata identificiran kao ključni za naše operacije u BiH. Kroz novu kreditnu liniju želimo omogućiti preduzetnicima da jednostavnije ostvare svoje poslovne ciljeve i unaprijede poslovanje. Kroz

edukativni program Addiko SME Akademije i praktične vježbe mi zatvaramo jedan ekosistem koji se ne svodi samo na to da mi budemo pružatelj finansijskih usluga, već da zajedno sa našim partnerima kao što je EBRD kreiramo dodatnu vrijednost za klijente“, istakao je Spahić.

Iz EBRD-a poručuju da je važno da učesnici Addiko SME Akademije na najbolji način iskoriste priliku koja im je pružena za razvoj, a zvanicama se u toku ceremonije otvaranja obratila i direktorica EBRD kancelarije u Bosni i Hercegovini, Stela Melnik.



Svečanom otvaranju te potpisu ugovora prisustvovao je i Mateo Kolandeli, Regionalni direktor EBRD-a za Zapadni Balkan, koji je između ostalog istakao značaj nove linije kredita u podršci razvoja preduzetništva u Bosni i Hercegovini.

„Sretan sam što potpisujem ova dva značajna sporazuma o finansiranju koji imaju za cilj osnaživanje mikro, malih i srednjih preduzeća u Bosni i Hercegovini. Zajedno, ovi krediti podržavaju ekonomsku modernizaciju, konkurentnost i integraciju domaćih kompanija u međunarodne lance vrijednosti. Oni također dodatno proširuju naše partnerstvo s Addiko bankom kako bi omogućili bolji pristup finansijama i znanju za lokalne preduzetnike širom Zapadnog Balkana“, naveo je Kolandeli.

Predsjednik Uprave Addiko Bank a.d. Banja Luka, Srđan Kondić, je svečanim obraćanjem zaključio:

„Prethodno održane Addiko SME Akademije pokazale su da je ovakva platforma za edukaciju potrebna našim malim i srednjim preduzećima, koja im daje drugačije poglede i perspektive u procesu donošenja odluka, otvara „teška“ pitanja o kojima preduzeća često ne razmišljaju, jer nije pravo vrijeme, daje savjete kako ih adresirati, adrese na kojima se može dobiti dodatna pomoć, ali dijeli i iskustva onih koji su prošli kroz slične procese. Ove godine, ponovo uz podršku Addiko Bank Sarajevo i EBRD-a, predstavljamo treću generaciju Akademije, koja će proširiti znanja i vještine učesnika s aktuelnim specijalističkim temama i inovativnim pristupima. Polaznicima ćemo pružiti ključne alate za prevazilaženje savremenih poslovnih izazova, uključujući teme kao što su **razumijevanje finansijskih koncepata**, digitalna transformacija, ESG principi i inovacije u poslovanju, a sve kroz obuku vrhunskih stručnjaka ispunjenu primjerima iz prakse, zanimljivim radionicama i mogućnošću primjene u praksi.

Addiko SME akademija je tu da ohrabri sve vlasnike i menadžere malih i srednjih preduzeća da odvoje svoje vrijeme, ulože ga u ovaj proces edukacije, kako bi, relativno brzo, mogli uživati u rezultatima svoga rada i uspjesima. Ovo je samo jedan od načina na koji se Addiko banka dosljedno pridržava visokih standarda održivog razvoja i doprinosi dugoročnom prosperitetu zajednica u kojima posluje“, istakao je Kondić.

Addiko SME Akademija sadrži četiri modula i organizuje se u pet gradova Bosne i Hercegovine - Sarajevu, Mostaru, Tuzli, Banja Luci i Bijeljini.

Na dan otvaranja održan je i prvi trening dan u Sarajevu, a tema kojom je otvorena serija interaktivnih radionica bila je „Značaj dvosmjerne komunikacije“.